

Izjava OHR-a na konferenciji za medije međunarodnih organizacija

Sastanak političkih direktora Vijeća za provedbu mira

Politički direktori Vijeća za provedbu mira sastaje se večeras i sutra ujutro u Sarajevu. Na večerasnjoj sesiji koja počinje u 17.30 Vijeće će razmotriti razvoj na čitavom BH političkom spektru, uključujući ujedinjenje Mostara, napredak u reformi obrazovanja, stanje napora BiH u ispunjenju zahtjeva iz Studije izvodljivosti Europske komisije, te korake koji se moraju poduzeti. Također će se razmotriti i status napora BiH na ispunjenju uvjeta za učestvovanje u NATO programu Partnerstva za mir.

BH premijer Adnan Terzić, Ministar vanjskih poslova Mladen Ivanić, Ministar sigurnosti Bariša Čolak, Direktor za Europske integracije Osman Topčagić te Direktor BH Obavještajne i sigurnosne agencije Almir Đuvo će uzeti učešća u dijelu sastanka sutra ujutro.

Premijer Terzić će brifirati političke direktore Vijeća za provedbu mira o koracima koje su vlasti poduzele ili imaju namjeru poduzeti u svezi sa provođenjem uvjeta iz Studije izvodljivosti i Partnerstva za mir te o napretku u uspostavi Agencije za indirektno oporezivanje, što je glavna zabrinutost Vijeća pošto predstavlja najznačajniju poduzetu ekonomsku reformu u BiH. Gospoda Terzić i Đuvo će govoriti o posljednjem razvoju događanja u obavještajnoj reformi.

Politički direktori Vijeća za provedbu mira će također razgovarati o reformi obrane i policije, novim mjerama u borbi protiv organiziranog kriminala te radu Komisije za Srebrnicu. Na ekonomskom polju razgovaraće se o uvođenju PDV-a, nacrtu zakona o restituciji te nedavno usaglašenom planu rješavanja

unutarnjeg duga u BiH.

Što se tiče medija biti će **prilika za fotografiranje** na početku sutrašnje sesije u

petak 25.juna od 09.00 do 09.10 u prostorijama OHR-a.

Također Visoki predstavnik će održati konferenciju za medije po završetku sesije Vijeća za provedbu mira tokom koje će govoriti o načinu kako ići naprijed u nekim ključnim pitanjima o kojima se diskutiralo na sastanku političkih direktora. **Konferencija za medije** je u

petak 25.06 u 14.30 u prostorijama OHR-a.